

親王任准后例

聖護院尊珍叙親王後嘉應三年正月晦日准后宣下

〔日本紀略九條〕正曆元年五月十三日勅入道太政大臣藤原兼家任人賜爵准三宮依舊不改又加給封三千戶

〔諸門跡譜上〕性信准三后三品大御室

三條院第四皇子母皇后娥子濟時卿女中略始而號御室出家之後蒙准三后之宣旨號大御室廣澤流正統也師明親王是也

○按ズルニ師明親王准三后ノ事ハ攝關大臣室家條ニ引ク台記ニ詳ナリ

〔日本紀略十三條〕寬仁三年五月八日甲子勅入道前太政大臣藤原道長任人賜爵准后如故不改

〔濫觴抄下〕法准三宮 後一條四年己未寬仁五月八日入道前太政大臣重勅如故出家以後希代之例也

〔本朝續文粹四〕入道後謝准后儀表

文章博士為政作

沙彌某藤原道長言伏奉今月八日勅命賜臣以三千戶封及准三宮儀焉亡考遁世之昔初初下恐有脫字斯塵

聖上御寓之令強追彼蹤雪首雖除水尾忽踏某中謝須占幽寂以住觀念避喧囂以學坐禪而病恙之

易發常問良藥於醫方依筋力之漸衰未致苦行於佛戒泥若栖野雲則遠可隔鳳闕龍樓若藏山月則

遙欲謝椒房蘭殿雖思謗訕暫以徒倚方今乖于出家之幽意更賜希代之厚恩草庵至窄宮圍之准的

非便山厨不寬二千之食邑奚納加之所陪從者襜衣之法侶也誰有任人賜爵之望應儲蓄者香花之

什物也曾無生民貢賦之要既絕妄語於十戒寧飾虛詞於一端伏望聖慮幸照蒙襟早收無涯之恩波

竭小流之定水不勝懇迫屏營之至謹抗表陳乞以聞某誠惶誠恐頓首頓首死罪死罪謹言

寬仁三年六月十九日